

№ 19 (210) 27 мартэ
1937 аре

Известия

Адрес: поселок Яр
Удмуртской АССР

УАССР, Ярысь ВКП(б) Райкомлэн но РИХ-лэн органы

7-тй арзэ потэ.

Сельской совет'ёсты коньдонэн налог'ёс, страховой тырон'ёс но натуральной поставкаос лыд'ян но октон ласянь обязанностьёслэсь мозмытон сярэсь

СССР-ысь Центральной Исполнительной Комитетлэн но Народной Комиссар'ёслэн Советсылэн пунктэмзы

Советской властью гуртын выборной орган'ёсыз лусь сельской совет'ёс азе выль Конституцией пунктэм выль политической, хозяйственной но культурной задачаос та дыр'я действовать карись но ужлэн интерес'ёсыз азылань тупатэм порядокез выжыныз ик воптэмеа куро. Со порядокен сельской совет'ёс выль колхозник'ёслэн но единоличной крестьян'ёслэн хозяйствоосылэсь коньдонэн налог'ёс но натуральной поставкаос лыд'ян но октон ласянь вань уж сётэмын.

Соин ик СССР-ысь Центральной Исполнительной Комитет но Народной Комиссар'ёслэн Советсы пунктэ:

I. Коньдонэн налог'ёс'я но страховой тырон'ёс'я

1. Сельской совет'ёсты коньдонэн налог'ёс но государственной страхования тырон'ёс лыд'ян но октон ласянь обязанностьёслэсь 1937 арин 1 июльсен мозмытоно.

2. Коньдонэн налог'ёс но государственной страхования тырон'ёс лыд'ян но октон ласянь вань ужез 1937 арин 1 июльсен районной финансовой люкет'ёслы сётоно. Талы тупам'я налоговой но страховой инспектор'ёслэсь штат'ёссэс будэтоно.

СССР-ысь Наркомфинлы гуртын налог'ёс но страховой тырон'ёс октын кассаос организовать карыны косоно.

Сельской совет'ёсын лусь сельской налоговой но страховой комиссии быдтоно.

4. Сельской калыкы самообложения средствоосы нимысьтыз закон'я лыд'янез октонэз но расходовать каронэз сельской совет'ёслы кельтоно.

5. Сельской совет'ёсын казначейёслэсь но счетовод'ёслэсь должностьёссэс 1937 арин 1 июльсен быдтоно. Соослэсь обязанностьёссэс сельской совет'ёслэн секретар'ёсылы сётоно.

II. Натуральной поставкаос'я

6. Сельской совет'ёсты обязательствоос сёт'я, обязательной натуральной поставкаосы лыдэ басёт'и но октов обязанностьёслэсь 1937 арин 1 июльсен мозмытоно.

7. Со обязанностьёсты 1937 арин 1 июльсен СССР-ысь СНК-лэн заготовкаос'я Комитетэзлэн районной уполномоченноослы сётоно. Соин вань сельской район'ёсын СССР-ысь СНК-лэн заготовкаос'я Комитетэзлэн районной уполномоченнойёсылэсь должностьёссэс кылдытоно но инспектура организовать кароно.

СССР-ысь Центральной Исполнительной Комитетлэн Председателез **Г. Петровский.**

СССР-ысь Народной Комиссар'ёслэн Советсылэн Председателез **В. Молотов.**

СССР-ысь Центральной Исполнительной Комитетлэн Секретарез **И. Акулов.**

Москва, Кремль.
1937 арин 21 мартэ.

Удмуртской АССР-ысь Центральной Исполнительной Комитетлэн внеочередной VII-ти сессиез

21 мартэ УАССР-ысь ЦИК-лэн внеочередной VII-ти сессиез отчыз.

УАССР-ысь Совет'ёслэн Чрезвычайной II С'езданьзы Удмуртской АССР-лы Конституция кутэмен валче Сессия УАССР-ысь Центральной Исполнительной Комитетлэсь но Народной Комиссар'ёслэн Советсылэсь председатель должностьёссэс люкон сярэсь но УАССР-ысь ЦИК-лы председатель быр'ёв сярэсь ужпумез эскериз.

Сессия Совнаркомлэсь председателэз **ИВАНОВ Григорий Алексеевич** эшез Центральной Исполнительной Комитетлэн председатель лусыс ужанлэсь мозмытвы пунктэз. Сое УАССР-ысь Совнаркомлэн председателезлэн должность кельтйз.

ЦИК-лэн Сессиез Центральной Исполнительной Комитетлэн президиумезлэн составаз УАССР-ысь Центральной Исполнительной Комитетлэсь членэз **БАРЫШНИКОВ Степан Павлович** эшез пыртйз но ЦИК-е председателе сое быр'из.



Совето Союзысь миллионэз калык'ёс бад'ым интересэн, ССР Союзлэн Конституциезлэн проектэз сярэсь Сталин эшлэсь Совет'ёслэн VIII Всесоюзной Чрезвычайной С'ездызы верам докладэз изучать каро.

Суред вылын Азово-Черноморской крайысь Криворожской районьсь „Красный маяк“ колхозысь комсорг Деревяно эш (бурпаласон кыктэтйез) егит'ёс полын Сталин эшлэсь докладэз лыд'ёе но валэктэ.

(Фото Н. Габаева).

Конно-лыжной пробеглэн материал'ёсыз'я, районьсь колхоз'ёсын тулыс ю кизённе дасяськылэн мынамез сярэсь

Зюино сельсовет

Зюино сельсоветысь колхоз „Кирово“ тулыс ю кизённе дась. Плуг'ёс, уснос но мукет тйрлык'ёс ваньмыз дась. Ю кидыс ваньмыз шертыса, умой склад'ёсы кыскаса дасямын. Вал'ёс ваньмыз эч упитанностьемесь.

Колхозлэн председателез **Мартьянов.**

Бачумово сельсовет

Бачумово сельсоветысь „Молотово“ колхоз озы ик ю кизённе дась. Ю кизён тйрлык ваньмыз дась. Ю кидыс шертэмын. Вал'ёс эчесь. Тунэ нунал сямен ик ю кизыны потонлы дась.

Колхозлэн председателез **Ярославцев.**

Укана сельсовет

Укана сельсоветысь „Исаково“ колхоз (прееседателез Васильев) тулыс ю кизённе нокия но овёл дачкем на. Плуг'ёс, уснос оgez но тупатымтэ. Ю кидыс шертымтэ. Вал'ёс чидантэм уродэсь. Колхозлэн правлениез тулыс ю кизён сярэсь чик уг сюлмасыкы. Гурвылаз кылле.

Юр сельсовет

Юр сельсоветысь „Дасьлу“ колхоз (председателез Рязанов) „Исаково“ колхоз сямен ик тулыс ю кизённе чик дасяськымтэ. Плуг'ёс, уснос но мукет кулэ тйрлык'ёс чик тупат'ямтэ. Вал'ёс уродэсь. Колхозлэн правлениез сыче ужез ад'ыса но нокиче уж'ёс уг куты.

Тыл-пу колхоз'ёслы бад'ым из'ян сэтэ,

Тросэз, пень люкан дыр'я, со пенез эскерскытэк кытсыке шеле отсы кыска. Озы пень эскерскытэк турскем сэрен трос дыр'я тыл-пу (пожар) потэ. Колхоз'ёслы но пёртэм учреждениослы тыл-пу (пожар) бад'ым из'ян сэтэ. Кылем аре асьме районь сыче случай'ёс ичи ой вал. Тани „Володарской“ „Лумпа“ (Садинской) сельсоветысь колхоз'ёс). Озы ик мукет'ёсыз но вань. Кылем аре со колхоз'ёслы, пенен

эскерскынтэк турскемнызы, тыл-пу бад'ым из'ян сётйз.

Туэ но сыче уж'ёс уз лу шуыса малпаны уг лу. Тыл-пу луонлэсь палдурскыны понна вань колхоз'ёслы, учреждениослы, колхозник'ёслы но колхозницаослы, пенез люкан но кыска дыр'я, сое умой-умой эскероно. Азыыл 4-5 нунал сятано. Собере гидкуалэсь палдур, умой, зор-кот шедэнтэм интые кыскано.

Трефилов.

БОЛЬШЕВИСТСКОЙ САМОКРИТИКАЕЗ ВЫЛЭ ЖУТЫСА ПАРТИ ПУШКЫСЬ ЯНГЫШ'ЁСЫЗ ТУПАТОМ

ЦК ВКП(б) лэн ортчэм Пленумез парти пушкысь бадзым ошибкоосыз но трос янгыш'ёсыз шараяз. Шараямен гинэ со өз буйгатскы, самокритикаез вылэ жутыса шараям ошибкоосыз но янгыш'ёслэсь последствоссаз быдэстон котыре, кужмысь кутскиз. Нош кызы меда асьме районысь куд-ог парторганизациос пленумлэн решениосы'я уж вылэ бачко?

Одйг примерлы басытом Риковской парткомез. Соос но вылды асьсэлэсь янгыш'ёссэс тупат'ян котыре кутскимы шуыса малпало. Тани басытом соослэсь кылем собранизэс, кытын соос пленумлэсь решениоссаз обсуждать карызы Коммунист'ёс партийной собрание нокия но дочкытек люкасыкызы. Пленумлэсь решениоссаз обсуждать карыку ваньзы азьвыл парторг Москов эш сярсы но кбняке Райкомлэн инструктор'ёсыз сярсы, ог пумысь гинэ вераскызы.

Москов парторглэсь самокритикаез зажимать каремез, партилэн уставоз'я демократической централизмез нарушать каремез сярсы но, Москов эшлэсь, ужамез сярсы парткомлэн собранияез, отчет кылскытэк, сое урод уж'ёсыз понна критиковать карытэк, небыт кийн гинэ ужысыз маялласа лэизы шуыса вераскызы. Нош ылыл парткомлэн уж'ёсыз сярсы „ичи ужаз на шуыса“ одйг кыл но өз вералэ. Шонерзэ вераса, кызы меда ужа выль быр'ем партком? (Руководитель'ёсыз Ушаков, Малых но Никитин) Таослэн но янгыш уж'ёсыз трос на. Нырысьсэ ик верано ке Риковской парткомын али но самокритикаеж умой-умой пуктымтэ на. Кудзэ адзытэ Данилов эшлэн выступлениез. Со шуэ:— Асьме парторганизациын куг—огез коммунист'ёс самокритикаез

зажимать каро.—Бин сыче вань? шуыса юамлы, Данилов муртсэ вераны уг дйсыты. Кышказ сыче коммунист'ёсыз шараяны.

Озы ик выль партком (кудйз куинь толэзь'ёс ужа ни) выль пырем кандидат'ёс но сочувствующийёс кустын уж чидантэм либ нуэ. Тани Ф. Поздеев кандидатилэн членской взносаз 6 толэзьлэсь тырымтэ. Партком со сярсы но кычэ кулэ уж өз куты Трефилов, парткомлэсь секретарызэ но уг тоды на вылэм. Созы ик партпоручениосыз но, аслэстыз решениоссаз партком уг эскеры. Соин ик ас служащыйёсыз но домохозяйкаос полын но кычэ политико-массовой уж уг нуысыкы. Та пумысен партсобранилэн решениосыз трос, со решениос ваньмыз беспельно кылле.

Луэ-а Риковской парторганизаци но солэн член'ёсыз Февральской Пленумлэсь решениоссаз валазы шуыса вераны? Уг, уг луы. Партком но солэн член'ёсыз пленумлэсь решениоссаз чинь быдча не пыр поч өз на валалэ.

Риковской парторганизаци сямэн ке асьмеос ваньмы ужамы, парти пушез юматонэ жожен ум вуэ. Соин понна вань коммунист'ёслы ЦК ВКП(б)-лэн Февральской Пленумлэсь решениоссаз умой-умой изучать карыса вань вывод'ёс лэстыно. Большевиетской самокритикаез вылэ жутыса син а з я з ы критиковать карыса но умой-умой валэктыса, вань парторганизациослы асьсэлэсь ошибкооссаз но янгыш'ёссэс тупат'ян котыре кутсконо. Выль системаен бырысьскон уже кутскытчез асьсэлэсь лэстылам ошибкооссаз но янгыш'ёстэс тупатыса государстроен кивалтои куньсы самой лучшей калык'ёсыз быр'ёно.

В. ВОРОНЧИХИН.

Мойыосыз дышетон уж куашкатэмын

Байдалино сельсоветысь „Ленинский путь“ колхозын мойыосыз дышетон уж куашкатэмын.

Со колхозын дышетескымтэ но бжит дышетескем калык'ёс трос. Соослэн дышетескыны мылкыдзы вань. Соосыз дышетыны дышетысьёс но вань. Дышетон ужен кивалтысь гинэ бвбл. Сизыл дырысен одйг заняти но өз на орчын. РОНО, сельсовет, колхозлэн правлениез мойыосыз дышетон ужез вунэтйзы. Со сярсы уг но малпало ни. Озы ик Байдалино НСШ-е колхоз егит'ёсыз дышетыны вечерний школа усэтэмын вал.

Нырысь толэзёсаз со школа синмаскымон умой ужа вал. Одйг толэзь ужам бере соиз но анализ. Байдалино НСШ-ысь дышетысьёс но директор „мултэс уж нуэмлэсь гуртаз пукны умойгес вылды луоз“ шуыса малпазы но, егит'ёсыз дышетонзэс анализзы.

РОНО-лы, сельсоветлы мойыосыз дышетон ужен кивалтон котыре умой-умой кутскыса со ужез вылись улзытоно. Мойыосыз дышетон ужез куашкатысьёслы кулэ уж'ёс кутсконо.

Б. Н. БАРЫШНИКОВ.

Данилов спекулировать каре

Укана сельсоветысь „Заря“ колхозысь Данилов А. В. пудоен но пудо сионэн спекулировать карны кутскем.

Колхозлэсь правлениез пб-яса вал куре но, валэн куро утчаны потыса, деревняосыти спекулировать карыса ветлэ

Озы ик туэ арэ 160 манетэн скал басытйз. Басытэм

скалзэ 260 манетэн нош ик, берен вуаз.

Колхозлэн валаныз гурт'ёсытй пудо сионэз спекулировать карыса ветлэмез понна Даниловез прокурор эскероз но кулэ уж'ёс кутоз шуыса малпаны кулэ.

СУНЦОВ.

Фашизмo Германиын

(Рис. Ник. Сенцовлэн).



„Ужлы право“

„Шудатскыны право“



„Дышетскыны право“

„Мойымысааз обеспеченылы право“

П. Чаиников.

Шуд сярсы кырзан*)

Улон шудбуран пачалме. Сад'ёсин чебермиз муз'еммы. Данэн шобуртам улонмес Кылдытйз Сталин'я мыяммы.

Асьме скрестй-мынйсьлы Книгаос, школаос сэтэмын. Ужез яратйсь мурт'ёслы Парк'ёсмы, клуб'ёсмы усэтэмын.

О тчо нунал'ёс кунамы Огезлэсь мукетыз югытгес. Будо гажано эш'ёсмы Огезлэсь мукетыз шудогес.

Шудйсь, серек'ясь мылкыммес— Сётомы шуд сярсы кырзанлы Шудйсь но юмась кужыммес Быдэсак сётомы выль ужлы.

Мусо яратон шаермес Нуналмысь вылэгес жутومه. Шудо но шулдыр улонмес Ки вылын азьлане нуоме.

Вить мурт значек басытйзы

Дизьмино комсомол организадилэн осбавиахим кружокез умой ужа. Со кружокын ваньмыз комсомолец'ёс но комсомолкаос кружокез яратыса дышетеско. Химия но противогазез орчыса мартлэн 24 числоз, противоздушной химеборона (ПВХО) значеклы зачёт сётйзы.

Ортчо нунал'ёс кунамы Огезлэсь мукетыз югытгес. Будо гажано эш'ёсмы Огезлэсь мукетыз шудогес.

Нунал ворек'я югытэн. Со сётэ данлыко вормонэз. Калык улонзэ шулдыртэ. Солэн вань вормонтэм законзэ.

Таёе улонзэ кылдытон Сюресмес вояматйз Сталинмы Соин пачалме шумпотон. Шулдырен шуккиське кырзанмы.

Ортчо нунал'ёс кунамы Огезлэсь мукетыз югытгес. Будо гажано эш'ёсмы Огезлэсь мукетыз шудогес.

*) Та кырзан Удмурт республикалэсь Конституцизэ юматон понна люкаськем С еаллы сязыса гожтэмын. Сое Ижысь огазели хор'ёс (отчы ик государственной хор пыре) с'еаллы кырзаломы. Музыказэ гожтйз А. Рафиковский.

Кружоклэн кивалтйсьез А. ВЕРЕТЕННИКОВ.

РАЙОНЫСЬ ВАНЬ КСМ ОРГАНИЗАЦИОСЛЭН КОМСОРГ'ЁССЫЛЫ

Извещение

Ярысь Райком ВЛКСМ районысь вань комсорг'ёслы 1 апрельсен 15 апрелэз, 15 нунал'ем курс усэтэ.

Вань комсорг'ёслы, бордазы валес'ёс басытыса 1 апреле одно ик РК ВЛКСМ-лэн кабинетаз люкаськоно.

Сиськон сярсы РК ВЛКСМ обеспечивать кароз. РК ВЛКСМ-лэн секретарез ИВАНОВ.

Редакторез воштйсь В. Ворончихин.